



Selasa, 04 Januari 2025
Ogen: 1 KORINTI 2:9-10



Kesah Si Badia empetangkas Pustaka Si Badia



Isi Pustaka si Badia megati labo kita ngasup ngantusisa. E maka bujur nge adi lit kalak si la nggit nuriken Kata Dibata i lebe-lebe jelma si enterem. Mbiar salah e jadi alasan, tapi situhuna banci ban la iangka. Payo, Kata Dibata e mbages pengertinna, adi arah gegeh ras beluhta si pake banci la seri pengertinna ras si imaksudken Dibata. Perukurenndu la bali ras perukurenKu, bagi dauhna kepultaken ku ke sunduten. Banci kataken maun petembil pemeteha ras Kata Dibata. Uga dage maka banci si angka kataNa?

Pindo Kesah Si Badia si ngajari kita. Kesah e rehna bas Dibata nari kap. Kata e pe i bas IA nari. Jadi kesah e meteh kerina kai si lit i bas perukuren Dibata.

Kesah e me si nusur ku doni enda man banta si ngarak-ngarak ras si ngajari kita kerna sura-sura Dibata. Adi si pindo Kesah si ngajari kita, uga pe iberekenNa kepentaren guna ngantusi KataNa. Em si ituriken Paulus man perpulungen i Korinti, maka Kesah Tuhan e si empetangkas kai si tersurat i bas Pustaka Si Badia. Si lenga pernah iidah entah pe ibegi manusia, kai si lenga pernah iukuri manusia e kal me si enggo isikapken Dibata man kalak si erkeleng ate man baNa.

Si tuhuna Dibata ersura-sura mereken si mehulina nge man banta. Ras e enggo iturikenNa I bas Pustaka si Badia. Tapi megati sura-suraNa e la siangka, entah la si inget.

E me perluna Kesah Si Badia si enggo lit i bas pusuhta e si persukuti. Tetap kita mindo pengajarina, gelah si angak kataNa e. menaken kita ngoge Pustaka, si pindo lebe Kesah Si Badia guna ngkuasai ras ngajari kita kerna sura-sura Dibata.

Teklah dungna megegeh kita ndalankensa.